



Bou ons kinders vir môre

Sondagskool 2

Lestitel: Die groot visvangs

'n Ouerhandleiding

Sondagskooltuisonderrig



Liewe Ouer

Welkom by die les: **“Die groot visvangs”**

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die groot visvangs
Bybelwoord	Mattheus 4: 18-22 en Lukas 5: 1-11
Lesdoelwit	Ons leer van die Here Jesus se groot invloed op die mense. Ons sien dat Hy groot mag gegee is. Ons volg ook die Seun van God met vertroue.

Lesopsomming:

- Die Here Jesus het die mense in Galilea geleer, en die nuus oor sy werksaamhede het na die naburige dorpe versprei; oor hoe Hy wonderwerke gedoen het en so kragtig gepreek het.
- Hy het gepreek en gesê: "Bekeer julle, want die koninkryk van die hemele het naby gekom." Hy het die mense beleer en aangemoedig om in die evangelie te glo.
- Op 'n dag het Hy aan die oewer van die meer, Gennésaret, in Kapernaum gestaan. 'n Groot skare het om Hom saamgedrom, omdat niemand die Here Jesus se preek wou mis nie.
- Namate die skare groter geword het, het hulle Jesus amper in die water gedruk. Jesus het toe in die boot van Simon Petrus geklim en hom gevra om dit 'n bietjie van die oewer af weg te stoot. Hy het na al die mense gekyk en begin om vanuit die boot met hulle te praat.
- Jesus het geruime tyd gepraat voordat Hy opgehou het. Die son het al redelik hoog in die lug gesit en die mense het honger geword.
- Jesus het vir Simon gesê: "Gaan verder in die meer en gooi jou nette in!" Simon het verbaas na Jesus gekyk omdat 'n mens nie helder oordag visvang nie!
- Hy het vir die Here gesê: "Meester, ons het die hele nag deur hard gewerk en niks gevang nie." Skielik het hy al die buitengewone dinge onthou wat hy al met sy Meester ervaar het en voeg dan by: "maar op u woord sal ek die net laat sak."
- 'n Rukkie later het hulle opgemerk dat die nette redelik swaar geword het. Opgewonde roep hulle en beduie aan hul vriende in die ander boot: "Kom help ons om die net in te trek. Ons het 'n geweldige vangs gemaak! "
- Almal het verbaas hulle koppe geskud.
- Die Here Jesus het ook met Jakobus en Johannes gepraat: "Volg my, ek wil julle vissers van mense maak."
- Die dissipels wou niks anders as om hierdie groot Meester te volg nie. Die Here het vir hulle 'n nuwe taak gegee: Vissers van mense!
- Hulle wou Hom graag help om die woord van God aan die volk te bring en na die Here te lei.
- Hulle het die Here Jesus as die Seun van God erken en wou hul lewe tot sy diens wy.



Wat beteken hierdie les vandag vir ons?

- Dit was een van die vele groot wonderwerke wat die Here Jesus gedoen het. Jesus is die Seun van God en Hy het alleen die mag om wonderwerke te verrig.
- Soms bring ons menslike verstand twyfel, maar ons moet altyd onthou dat alles deur Christus moontlik is. Ons moet geloof hê en 'n kinderlike geloof word beloon.
- Vandag is ons apostels ook vissers van mense en hulle wy hul lewens tot diens van Jesus. Hulle is ambassadeurs van Christus en bring die evangelie aan sy kinders.
- Ons moet ook die woord van Christus aan ons vriende versprei en praat oor al die wonderlike dinge wat Hy vir ons gedoen het.

Sommige vrae wat ons kan vra:

1. Wat was die wonderwerk wat Jesus hierdie dag gedoen het?

Antwoord: Hy het dit vir die vissermanne moontlik gemaak om 'n groot visvangs te hê, sodat die honger mense gevoed kon word.

2. Hoe het die dissipels na hierdie ervaring gevoel?

Antwoord: Hulle vertrou en geloof in Jesus Christus is versterk en hulle wou Hom vir ewig volg.

'n Gebed vir Pappa en Mamma om voor die les te bid:

Liewe God, baie dankie vir hierdie dag, Seën alle ouers en kinders

Mag ons u teenwoordigheid aanvoel, Seën die les wat ons gaan hê

Leer ons hoe om U te dien, En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.